

КАЛЫК ОЙПОГЫЛАН ЭНЕРТЕН

2018 ий 20 декабрьште писатель Яков Элексейнын шочмыжлан 125 ий темын. Йорло кресаньык ешеш шочын-кушшо Яков Элексейн ўмыржын кугу ужалыжым ялысе икшыве-влакым туныктым пашалан пуэн. Пашажым кўкшын аклен, Совет правительстве тудым Трудовой Йошкар Знамя орден дене палемден.

Яков Элексейным шарналташ Морко книгагудо системын пашаенже-влак 25 декабрьште Осипсола библиотекеш миен коштынна. Эн ондак "Ший гай волгалтше Морко мут ярым" куснылшо кубоком Морко рўдō книгагудын краеведений секторжо гыч Осипсола библиотекекылан кучыктышна. Ты книгагудын пашаенже М.Тимофеева Яков Элексейнын илыш-корныжым, тудын пашаже да родо-тукымжо нерген шуко фотосўрет, слайд презентаций гоч палдарыш. Прозаик дене пошкудо улмыш нергенат кугешнен палемдыж. Писательын эргыже - Петр Алексеев нерген поро шарнымашым Галина Кузьмина каласыш. М.Янтемир лўмеш тоштерын пашаенже Валентина Павлова, авадын мутшым шарналтен, тыгерак мане: "Яков Элексейн Кожлаер гыч Вончыдўр марте енын кошгдымо корно дене коштын да санденжат шке произведенийлаштыже пўртўсын сōралжым, моторжым сылнын почын ончыктен".

Пайремым Осипсола тўвыра пōртын "Весела кумыл" ансамблже сōрастарыш. Кумыжъял школын



тунемшыже-влак Алеша Ястребов, Алина Александрова, Катя Завойскина "Чоя рывыж ний опышеш пижеш" ик ужашан комедий гыч изи сценкым мастарын модын ончыктышт. Икшыве, книгагудо пашаен да пайремын уваже-влак квест модыш дене модыч. Икымше станцийште Яков Элексейнын произведенийже-влак почеш тошто мариЙ лўмым, калык палым, тушто-влакым пален, пазлын ик ужашыжым модын налынна. "Музей" станцийште авторын произведенийлаштыже могай тошто мариЙ кочкыш-влак нерген ушештарымым, вургемым чийымышт нерген чын вашмутым кычална, кумшо станцийш Тойметсола велне мы-

яр лўмлō пōэт, писатель-влак улмым рашемдышна. Нылымше станцийште Вончыдўр велне ялын, курык ден эгер-влакын мыняр улмыштым пален нална да, пазле-влакым иктеш ушен, тўн пōлекым кычал муна. Тыге весела модыш гоч Яков Элексейнын произведенийже-влакым шергалын лекна.

Проект почеш шуктым пашам Морко рўдō книгагудо системыв директоржо Маргарита Семенова иктешлыш. "Йыргешке ўстел" йыр погынен, пайремам писатель-прозаик Яков Элексейным шарналтен, весела мурына дене пайремам мучашлышна.

Жанна ИВАНОВА,
книгагудо пашаенг.